

Khale ka mutirhi wa SARS a kuma xigwevo xa 12 wa malembe

Tshwane, 24 Sunguti 2022 – Khale ka mutirhi wa Vukorhokeri bya Xibalo bya Afrika-Dzonga (SARS) Bilal Shaik u kumile xigwevo xa 12 wa malembe mayelana na vukungundzwana, ku fojara na mbhasiso wa mali hi ndlela leyi nga riki enawini, leswi fikeke eka R6-million.

Shaik u gweveriwile ku va a fambisile mivuyiselo ya vuxisi ya VAT eka tikhamphani tinharhu. Hambiswiritano, mali yi hetelerile yi ri eka akhawunti ya bangi ya Shaik loyi a tirhiseke mivuyelo ku tivuyerisa.

Muhehliwa wa vumbirhi, Kyle Nadasen loyi a yimeleke Kyle Nadasen CC, U gweveriwile vukungundwana, ku fojara na hangalaso wa mali yo fojariwa. U gweveriwile ku tshama ekhotsweni ntsevu wa malembe, lama yimisiweke ntlhanu wa malembe hi ntalo, eka xiyimo xa leswaku muhehliwa a nga voniwi nandzu ehansi ka xiyenge xa 4 xa Nawu wa Nsivelo wa Vugevenga bya Mitlawa (POCA), enkarhini wa nkarhi wa yimiso.

Muhehliwa wa vunharhu, Miloni Chetty, xirho xi ri xin'we xa ILONIM General Traders, u ntshuxiwile eka milandzu hinkwayo.

Khoto yi twile leswaku muhehliwa u rhumerile tiinivhoyisi ta vuxisi hi xikongomelo xo amukela vuyiselo wa VAT lowu a nga kolotiwiki wona.

Khomixinara wa Vukorhokeri bya Xibalo bya Afrika-Dzonga (SARS), Edward Kieswetter, u amukerile xigwevo xo tika lexi nyikiweke khale ka mutirhi wa SARS Bilal Shaik na Kyle Nadasen.

"SARS yi nge kondzeleli endlero rin'wana na rin'wana ra vugevenga hi vatirhi va yona. Leswi a swi nge kanerwi, tanihileswi vahakelaxibalo na vaxavisi va faneleke va kota ku tshemba nhlango na vatirhi va wona ku tirha hi xindzhuti. SARS yi tinyiketerile ku endla swi nonoha no durha eka un'wana na un'wana loyi a nghenelelaka eka xiendlo xo biha xa vugevenga eka timhaka ta xibalo handle ka ku chava, tintswalo kumbe ringhohe. SARS yi nyenyetsa hi van'wana eka tirhenke ta hina lava tinghenelerisaka eka vugevenga. Hi ta va tsuvula, " ku yile emahlweni Khomixinara.

"Endlelo rero ra vugevenga ri thyakisa xidzumi xa vandla ra nkoka ra xidemokirasi xa hina leri tiseketelaka hi vulandzelelanawu hi ntsakelo hi vahakelaxibalo na vaxavisi ku hetisisa xileriso xo hlengeleta mali ya tiko leyi nga ta tirhisiwa ku vuyerisa vaaki hinkwavo va Afrika-Dzonga, ngopfungopfu lava sweleke no khumbeka," ku vurile Ttn Kieswetter.

Mayelana na vuxokoxoko byo tala tihlanganise na SarsMedia@sars.gov.za